



培根堂詩鈔卷四

巖臺集

遷安高繼珩寄泉

題百粵攬勝圖爲馮文江同年

鼎新
精作
書
繪
畫
壽
心
素

百粵之山高千尋灘江之水清且深山高水深不可卽披
圖想見循良心萍踪偶泛丁字水忽逢磊落欽崎士二十
年前香火緣種此妙因初御李夫君矯矯人中鸞賓筵長
欽羞空彈清餘大樹家聲在稟筆

彤廷作寫官寫成官書敘勞動作州司馬蠻荒地當朝老
宿盡咨嗟雲鵬未展垂天翅鞭絲裊裊指桂林橫衝瘴癘
培根堂詩集 卷四

披荆榛頓酬宗慤乘風志敢惜王尊叱馭身下車疾苦咨
黔首栽花拔薤推神手黃蘆笙和誰嗣歌虹螺杯酌介眉
酒一官落拓如繫匏常思砥柱挽俗澆臣飢恥逐空倉雀
建策休譏合口椒易保赤子難獲上鑠金衆口紛塵障知
命甘爲鷁退風如虹浩氣添悲壯直絃棄道古所歎人心
方寸生波瀾收帆再轉回風舵九萬扶搖振羽翰吁嗟乎
大馮君丈夫意氣干青雲灘江澄澈留鴻爪直與粵山萬
古同嶙峋

送廖牙峰 炳奎 謫粵東

文用刀筆鑄深刻無模糊削以刻其譌勿使混焉烏所以
書從聿契鉞文無殊炎漢蕭相國入關收籍圖起家刀筆
吏此物資匡扶後世趨簡易乃縛尖頭奴古制浸以亡古
道誰問塗走也夙謏陋賦質如康瓠學雕童子蟲未棄介
子觚即次拜君賜百朋雙明珠裝池謹什襲忍令寒具汚
結交視吉金千秋無改渝

贈沈子珊

瑤粵

卽題其香玉集詩草

新詩吟罷杜司勳腸裊千花齒頰芬沆瀣氣涵名士筆樓
臺香化美人雲風懷似我能憐我艷福輸君轉妬君一任
培根堂詩集 卷四

三

悠悠呼渴睡忍將綠綺並蘭焚

斷無悱惻不芬芳繞指原來百鍊剛萬丈青虹蟠俠氣半
灣春水瀉柔腸薔薇盟手猶嫌浣豆蔻含胎未是香仙佛
英雄與兒女一齊迸入錦詩囊

吐盡春蠶一縷絲天涯芳草正離離此心不死皆成債歷
劫難灰祇賸癡羅襪聯娟宜自惜微波要眇許通詞幽懷
萬種紛難訴說與燈花知未知

春日言懷次子珊韻

粉榆望斷路綿綿宛轉鶯簧雜管絃若不傷春復傷別只

除成佛與成仙眼前流水憐今日洞口桃花憶往年天氣
困人人似柳朝朝三起又三眠

集李義山詩柬沈子珊

繡被焚香獨自眠九枝燈檠夜珠圓郎君下筆驚鸚鵡望
帝春心託杜鵑獨坐遺芳成故事清尊相伴省他年看封
諫草歸鸞掖榆莢還飛買笑錢

蠶豆

又是紅蠶上箔時青畦旆旆實離離三眠蘊火初垂莢一
頃登場正吐絲別種何曾類羊角芳華可憶鬪蛾眉休言

培根堂詩集

卷四

四

冷腐無經濟衣食蒼生會有期

樂城學廡作

老槐垂蔭羃簷楹疎雨初過放晚晴把卷當風秋寂寂一

天黃雪撲簾旌

麥光鋪几寫蘭胎露葉風莖次第開墨瀦作花香不著山

蜂何事入窗來

小圃新鋤菜幾畦園丁汲水輒轡西閉門敢說英雄老準
備窮冬十甕藿

慈烏侵曉噪啞啞倚樹營巢便是家我有安輿迎未得朝

朝反哺愧雛鴉

感懷

自笑頭銜稱冷官青氈落拓耐春寒廿年幻夢芙蓉鏡半
月清齋苜蓿盤安分何嫌茅屋陋幾時纔奉板輿歡區區
反哺心難慰誰為臨風刷羽翰

桂丹盟明府

超萬

出示汶河工峻紀事詩即用其韻

賦呈

北地苦炎旱河源每易竭歲久不疏濬川流半淤塞樂邑
古汶河平地草其宅一朝降霖潦漫溢國成澤神君念民

培根堂詩集

卷四

五

瘼用汲心為惻考古許志乘訪舊證碑碣鳩工具畚鍤輸

粟謀餉饒德星

謂趙州德刺史

與福星

謂元氏福明府

同寅恭則協大手

挽回瀾奔走如救熱信而後勞民忘勞民愈悅南村篠編

竹西村鋤鑄鐵啟土牛服輓潰隄蟻防穴培疊成堰岸深

廣中繩尺俾水歸故道恍如車入轍詎止溝洫間一手足

之烈我來當首夏暉交大暑節朝朝雨如繩穿破油雲黑

意彼下隰田浸若瓠子決晚晴出郊垌平原多秀色靈根

土膏滋大穗嘉穀結雨久不妨農濬川之道得假使昧先

幾井待臨渴掘水潦無所歸安能若安貼乃知大智勇才

學識三絕凡事豫則立成算通盤徹收效在百年葦工已
數月績盈龔黃高法詎鄭白竊愧無少陵筆吟詩附公側
淘河與布穀林表啼未歇

送樵香赴都謁選卽用留別元韻

仙侶同登貫月槎蓬瀛浩渺望無涯送君暫索長安米遲
我來看上苑花薄宦雖銓如作客閒官將就又辭家何時
同把初心遂弄月吟風更漱霞

第一功名博望槎好從宦海得津涯雄心早辨金銀氣冷
眼羞看富貴花山水窮時還有路海天濶處便爲家空囊

培根堂詩集

卷四

六

贏得文章在似赤城頭十丈霞

曾記亭名第二槎好詩題寫遍天涯能申遠志休名草怕
贈將離懶折花定有強臺堪避債知從客路更思家梁公
悵望惟親舍遙指層雲綉綺霞

故鄉何日返枯槎知否吾生信有涯根上栽培終結果鏡
中絢爛究空花膽羞潔後宜迎養婚嫁完時早作家載誦
清芬先德好江南棠蔭燦餘霞

答謝崔曉林丈代柬

遠道貽朋貝開緘涕泗流絹分胡氏俸麥抵范家舟交从

誼愈摯感深恩莫酬何時親杖履重續晚香游

一諾堅金石栖栖廿載情幽燕經訪徧梨棗竟鑄成願大
天人助緣深遇合并寄君詩一帙差免負平生

楊花和沈匏廬太守濤用阮亭尚書秋柳韻

東風作意捲春魂布穀聲中雪打門
蕙葉籠烟眞入畫梨雲和夢淡無痕
戀他故物璫鋪徑裊上吟鞭樹隔村
指點銀瓶香滿店惜春心事與誰論

騎驢竟認板橋霜波穀粼粼綠縐塘
幾羽離愁迷驛路一宵生意慘魚箱
春風吹起詩吟謝燕子歸來宅姓王
漱玉培根堂詩集

卷四

七

編成餘故里名泉曾汲藕花坊

李易安故宅在濟南宅畔柳絮泉七十二泉屬第五

見齊音集

廉纖碎點五銖衣
懶向華年問是非
新綠裝成圍柳變
深紅落盡海棠稀
祇留潔白千人見
一任升沈滿路飛
好把金鈴重繫取
護持忍使素心違

有人顧影暗相憐
朝旭晴霏暖玉烟
三月韶光同逝水
一生心性太纏綿
好從絮果參禪後
盼到萍蹤結實年
何日珠簾高捲起
餘香沾得硯池邊

贈桂丹盟明府卽送之任豐潤

結交結君子君子多古歡譬彼衆香祖託根依崇巒觥觥
經世才樂臺栖祚鸞相依近兩載青眼勞相看賤子命不
猶菽水冷著盤耗艱憊飢鶴手爲刷羽翰黽勉在道義匪
獨矜盤桓一朝歌驪駒難挽馬援鞍同心而離居別緒天
漫漫臨池寫素心如抱綠綺彈摘藻遂潘尼贈扇慚謝安
願言揚仁風流聲馥秋蘭

儒者兼三才非徒贊天人俯察及地理幽贊能通神夫君
才槃槃妙悟逾景純鈎摘徧河洛胸臆羅星辰此理通文
章儼之詎非倫來龍宜顧母納氣宜求真改置到門問造
培根堂詩集

卷四

八

士涵深仁化雨遍沾旣宗工大陶甄羣芳並蘅杜擷秀披
荆榛多士會升庭龍岡生陽春
酈氏注水經數言斯凌水禹蹟今茫茫千載迷故址百川
灌秋河禾黍在中沮築堤捍陽侯意良法未美先生導其
源疏濬使順軌田不汨波濤農獲舉覃耜萬民沐德澤豐
碑樹河涘芝蘭生庭階願介君子祉

我讀靈壽志抗懷清獻公實心行實政被物如春風明府
今古人志氣遙相通搜輯到志乘禮教開愚蒙興觀備文
獻矩矱遵武功愚者贊一得雕龍資雕蟲汲深綆則短勉

盡區區衷不羨胡與梁開府聲隆隆美報在他年俎豆數
仍宮

題鄭板橋書冊爲達經圃

綸賦

我聞揚州有八怪巨擘首推鄭鷓鴣非獨蘭竹走蒼勁書
法古澤當時無怒猊抉石陡逾健美女簪花麗且都此老
胸中蘊清氣嗜好與俗酸鹹殊曩在津門見數幅至今夢
想如葦鱸有達大哥我執友抱持巨冊如瑾瑜云是橄欖
軒主舊墨寶索我題句如索逋開緘頓覺發光怪拍案不
禁狂歌呼六分半書計八葉精神煥發非莽粗果然鏤鑄
培根堂詩集

卷四

九

合今古漉漉心血爲洪鑪先生十年宦東魯范縣濰縣飛
雙鳧囊無一錢返初服賣畫沽酒還菰蘆今讀六卷板橋
集劈空奇氣驚豎儒要其真摯平易處近情近理存真吾
老兄關中昔作宰

會官陝
沔縣令

霖雨灑潤蒼生蘇拂衣忽過回

帆鼓蒨盤一飽歡且愉襟懷冲淡秋水潔浮雲富貴忘榮
枯不學其怪學其曠氣求聲應德不孤魯男子與柳下惠
善學何必追形模我言未畢君大笑揭來又發催詩符詩
成兩心相印證各將真面存匡廬此冊珍藏好什襲直心

道場懸冰壺傳之子孫若葉鶴勿令六丁下攫風雷驅

題馮文江山採藥圖

前年艤舟丁字沽感君惠貽一束芻手持巨幅索我句云
是採藥名山圖我時奉諱撤琴瑟遑拈韻版搜腸枯藏之
篋衍近三載駒隙莫挽流光徂昨朝發篋見古墨久稽前
諾慚顏朱高吟聊以報知已體格敢說追髯蘇羨君家聲
繼大樹恥彈長缺歌烏烏邗江脩文錦五色揚州開全唐
文館君會與
其灘江佐治水一孟選粵西八
達州司馬忽然掉頭去不顧回帆又
向津門趨拚把監州換大蠲時課虎鹽供

天厨改長廬
鹽知事

臨池絕藝悟爭道

工書洞垣慧眼通靈樞

特岐黃

培根堂詩集

卷四

十

傳神虎頭筆特妙伴影鴉鬚鋤堪扶童攜都籃步其後閒
向空山衝烟蕪吁嗟此山非捷徑獨來獨往胡為乎毋乃

世綱厭膠擾猿鶴招隱思蕪鱸我愧儉腹資獮祭不堪持

贈聊相娛茱萸

車推藍
前母藍
貝母

及果臝

栝葛
樓根

萑蒿

茵陳
苗杞

杞葩經朕爾雅月令難備舉更僕以數供扁盧東山遠志

豈小草西蜀當歸各文無紫團參遺王介甫青衣童呼劉

寄奴防風炊粥香七日金鹽

五加皮

釀酒跳千珠芍藥醬為

五味主茯苓糕美八珍俱薏苡盈車招貝錦板榔滿杵貽

葭苧黃精生苗採馬祖崔焯有艾名鮑姑王不留行一斤

餉草木亦足供使驅古人佳名今筆錫百藥李去病霍良
匪誣君負吟身如藥樹更抱佛心同俞跗靈苗毒草紛萬
種收拾盡入壺公壺肘後方奇臂九折君臣配合膏肓瘡
方今兵氛闐瀛海蒸黎瘋瘁憂毒痛願施妙手起沈痼小
醜二豎同駢誅功成拂衣反初服溪南小築鄰菰蘆左汲
蘇仙橘雙井右種董仙杏百株高致商山隱用里清風泰
伯趨勾吳噫噦吁詩成一笑償夙逋任君笑我論癡符瓊
報望君丹換骨療貧爲我傾醍醐

前年珣奉諱念堂樹君兩丈寄書來唁情真語痛字

培根堂詩集

卷四

十一

字血淚日月不居忽忽已三年矣重檢讀之淒然

動心成五古七章奉寄

三年不吟詩吟詩輒懷人所懷伊何誰崔梅兩子眞拂衣
風何高秉鐸氣自馴鴻雁久不來望遠勞心神夢中見顏
色月照屋梁塵寸心兩相印天涯猶比鄰

昔我方少年抱琴客海上兩公若龍頭儕輩推宗匠訂交
杵日間心契年可忘招朋啓白社走伴趨絳帳日日奉詩
筒如拜瓊玖貺時盪雲海胸爲我洗塵障更侈說土口爲
我樹聲望故交豈不多難得襟懷曠人生重知已知己感

恩况東海深復深此情不可量

觥觥陶開府天雄開選樓遍采三輔風顯微而闡幽兩公
應其聘載詩汗九牛新篇徵梓里騷壇倚荊州鶴杖返故
鄉鱸堂篤清脩尺書薦禰生約我漳河游賤子抱奢願世
載勤旁求早逢崔黃葉激勵同討蒐移山效愚公撼樹忘
此蟬因緣喜合弁主賢轄竟投慧眼借邊讓

袖石

掃葉同

校讐編或三絕韋燈或五夜篝敢云持擇當奚喜妍秘抽
難得沈麟士

雲巢
觀祭

手民功偉鳩吳質

錦洲
參軍

有同志黎棗監

雕鏤浮圖喜合尖不脛走八陬先賢在九原許可應點頭

培根堂詩集

卷四

三

敬以慰兩公願奢志竟酬所冀夙願了敢望傳千秋

養拙守青氈丞仕得樂城樂城豈不好荒齋餘兩楹銜泥
補舊巢勉學燕燕營典去數間屋乃奉板輿迎捆載憐弱
小同向溥南行卅年謀祿養始慰烏鳥情昊天胡不弔撼
樹多風聲就養纔五月遽廢我蒿廡欲歸歸不得一慟呼
九京蘭訛雙魚來語長心怛怛爲我籌去住爲我謀死生
伯桃羊角哀古誼今人爭努力守歲寒敢背同心盟

流光駛飛電倏忽彈祥琴彈琴不成聲宛轉餘哀音或云

服既闋宜復插華簪保陽謁鈴閣倘冀毛檄臨還顧嬾散

性蚊負知難任區區文學椽何當大旱霖自依馬少游謂廷

實送抱兼推襟梁鴻借廬居高鳳持竿吟年來擁皋比抗

顏長士林不為士林棄玉笋羅森森無點雪手勉竭鏤

冰心人生貴適意安問升與沈

去年卜窳窳為母安幽宅次見逾弱冠更為賦韓奕馬鬣

亦既封雀屏亦既射夙道積如山債臺崇百尺殘年應追

呼長春日交謫三春徂夏五皇天靳雨澤堦草渴欲死遑

問中田麥黃糴市一斗青蚨幾六百八口徒嗷嗷硯田有

定額何處訪赤松言尋辟穀策

培根堂詩集 卷四 三

生平志結納意氣重朋友嶽嶽龍鸞姿馳逐翰墨藪非徒

誇文章所冀展抱負李華困津門采張藉寄淮右杏東山

孔北海知復依誰某人不得秀山信邊韶入蓮幕負米藉升斗石

清才華叔駿豪筆依諸舅梅莊依其舅氏沈雲巢觀察于江甯時攜馬賓王

鶴訪古弔鐘阜筆咩各依人磨硯欲成日徐陵蘭與姚合

朝奉諱判先後不能守桑梓四方謀餬口更有翁槐花寄

掛冠脫紛糾買山九里洲歸來學五柳陳才四座驚石温

賦八义手東仙風錢若水冬各繫纍纍綬晚景誰最佳要

讓博陵叟階森三株樹振前雅少者更無偶聞已乘五馬

駸駸渡江走宛陵與飄生各抱寒瓊守青天多白雲蒼波
淡於酒舊雨悵星分高歌空擊缶良會知何年臨風但翹
首百

馮子明焯屬題母祝太夫人壽冊

著紙珊珊骨欲仙四時花草鬥新鮮蘭陵設色南樓韻妙
理都從一筆傳

筆墨香中望母儀開函如拜北堂慈知君緝到湘蘭影重
按咳華補六詩

暫攜書劍伴天涯捧檄歸來喜氣加他日板輿重寫照南

培根堂詩集

卷四

十四

橋枝茂映萱花

衣綫誰縫我獨寒慈雲一隔望漫漫願君早把春暉報萬

卉樓前負母看

子明將歸保陽賦詩留別長歌送之

我將行君且住萍蓬聚散兩無據君忽去我又留驪駒一

唱仙亦愁土生斯世重知已傾蓋相看眉宇喜大地茫茫

感百端魂銷三疊陽關裏四方之志期不朽誰能牖下常

相守互印如冰一片心珍重臨歧一樽酒讀君留別詩婉

整直沁人肝脾拜君桃花印千尺深情寄游刃更從雅扇

揚仁風書法畫意雙玲瓏雪中爪跡從今認那識鴻飛西
復東生平測交重意氣飽領兩載芝蘭味他年車笠盟不
寒留取丹心照天地君家祖德浙水長繩武要仗孫謀強
勉圖捧檄娛親舍莫漫吹簷滯異鄉似我勞人徒草草乞
食王孫謀一飽甘作埋頭蠶字魚朱顏漸向風塵老落葉
蕭蕭不可聽尊前誰與訴飄零期君氣骨秋同健天外蒼
巖萬仞青

鄂城行爲李雲生明府

文翰作

修鄂城明府明明府誰李雲生雲生名文翰江南宣城人

培根堂詩集

卷四

五

手把夫容善詠詩身爲屏翰能治民骨格棱棱紫閣紫來
權宰印孤城裏不存五日京兆心立擁頰垣平地起募錢
肯飽蠹胥橐出納一聽賢紳約董其偷惰獎其勤和許聲
中爭踊躍吁嗟乎村氓力役從來苦見吏持符如見虎鄂
城之役民子來誰道今人不如古偁功更思善其後爲策
餘貲權子母再經風雨早繕完懸布敢來窺僻陋城頭拳
石堆成山待拒鈎援資捍守伉伉長如鐵甕堅千古金湯
同不朽雲生本色書生耳一行作吏乃如此卽今衆志已

成城想見愛民真若子斗城雉堞何森森城樓望遠彈鳴

琴改絃翻作岐山操更寫循良保障心

雲生新授岐山令

高碑店古柳

年年青眼送行人
跪地柔絲拂軟塵
儘爲天涯縮離別
飛花飛絮饒殘春

憐渠曾入船山集
此日相看倍有情
恰似蘭成傷老大
攀條作賦感金城

城南看花歌贈孔繡山並柬朱伯韓

琦

鳳城春暖花如海
逝水流光不可待
九陌黃塵車馬馳
看

花幾個閒人在
東山巢父逸興豪

謂孔秀山

一別七載心神勞

培根堂詩集

卷四

七

相逢約我探春去
意氣直並春山高
初登凌虛閣飄飄欲

化寥天鶴快讀江
亭展袂文願移玉
醴花前酌更詣花之

寺東風吹醒海棠
睡花間喜遇朱桂
林

伯韓侍御

游侶遑知驄

馬避傾蓋相看眼
倍青舊雨新雨俱
忘忘形因緣同證三

生石契合無心兩
葉萍夕陽在山可
歸矣窳花寺裏重隨

喜鼠姑含蕾未全
開似待泥金舒魏
紫百年鼎鼎如電光

年誰作採花郎酒
徒零落晨星在爪
印猶存查氏莊人生

聚散信非偶莫厭
深杯常在手珍重
尊前見在身力挽回

瀾期不朽樹頭一
一鳴提壺此時不
飲胡爲乎待君飽酌

瓊林酒再訪青松紅杏圖

麥飯亭懷古

滹沱烟水涵蒼溟道旁笠影凌空青老農指點向余說此
是當年麥飯亭銅馬君王真大度夜乘風雨堅冰渡郵亭
淒冷斷炊烟落魄英雄嗟失路大樹將軍共苦辛一盂麥
飯餉勞人壺飧聊實真龍腹乞食空悲五鹿身昨宵憶向
滹南走蕪萋亭畔空搔首曾將豆粥慰調飢進食王孫真
不偶鄙南指顧開明堂攀鱗附翼紛翱翔大官玉食羅珍
味爭及亭邊麥飯香有臣如異真英武時不至兮徒自苦
培根堂詩集

卷四

七

一朝形像畫雲臺此亭聳峙同千古麥秀青青滿一坡沙
洲渺渺隔長河絳衣帝子今何在悵對空亭感逝波

偶成

代馬斜陽臥吳鉤破壁懸閒心忘漢魏俠氣冷幽燕白水
有真味紅塵多幻緣散材全碌碌參悟靜中天

月夜

疎點不成雨月華流淡雲遙天淨風露替我洗塵氣簾幙
下重捲爐香冷更熏停琴寄遙想沙雁起紛紛

匹絹分廉吏綈袍戀故人
一函來遠道四體載陽春
永佩解衣德長懷製錦身
願將裘萬丈廣被及斯民

題書畫六幅爲謝信齋

誠孚

作

楊大瓢先生

賓

書鍾嶸詩品卷子

孝友關至性何爭騷雅名筆墨涸心血漉漉舒丹誠昔見
大瓢先生手書兩巨册自吟自寫趨邊城徒步省親萬里
外膚皸足繭荒山行黃沙百草枯撲面腥風腥峻嶺蹲虎
豹林薄啼猩猩一身所履匪人境純孝呵護動百靈得見
親面死亦得遑知到戌皆餘生相見各悲喜樂于得乳嬰

培根堂詩集

卷四

六

金雞未下蓼莪廢孝子一慟天爲驚卒輦廣柳車父母歸
故塋父義子克孝大節何觥觥我時焚香三頓首感極雙
淚如雨傾就令書未佳寶應若球瑛何況筆法直入二玉
室歐虞以後誰與爭今又見此卷張觸昔日情雖書名傳
語性眞骨彌清安石妙考訂方于謂鍊王題評更有驚座
陳刺史謂金品詩高論如尺衡鯁生愧不文附名驥尾心
怛怛要知文章本忠孝千秋健筆凌空撐詩成亟欲報良
友但見西山一髮遙天青

徐文長

謂

秋樹雙鳥

徐文長詩四首

忍從旁袖手看

捷書飛到神偏暇門限微聞折屐聲不是矯情誇瓊物果然此喜爲蒼生

白雲明月堂新起百辟功高戀一邱寫出中年絲竹感六如筆意太風流

珍重東山大隱身運籌帷幄展經綸羨他玉潤陳驚座謂少泉風致何殊乞墅人

題李謹堂令原觀棗圖照

謹堂甘肅西甯人兄名協中字東鹿代李琢之明府作

隴西家世舊知名說到蓮枝劇有情手把一編春樹下春

培根堂詩集

卷四

三

令原上聽嚶嚶

花裏青棠頗注目詩中常棣耐披吟畫工具有風人筆寫出怡怡一片心

鹿城琴任季方彈彈到和鳴雁下灘手種甘棠三百樹待

兄一日一回看

對牀風雨憶論文我有荆花兩地分展玩君圖更惆悵油

然長望泰山雲

時兄雙南司鐸泰安

題李采仙

雲楣

瓣香軒遺稿

詩在人何處風流隕瓣香志高偏運塞命短惜才長逝者

行堪念思之黯自傷遺編幾披讀鄰笛感山陽
卅載盟車笠津門溯勝游視廬聯舊雨梅社幾同舟成共
推麟角癡尤邁虎頭吉光留片羽荊我哭山邱

七十二沽水低頭梅子真冷官成大隱老宿已陳人空自
留遺集何時付手民夜臺應晤對念我共傷神

有子才如驥羣真冀北空殫心歌白雪努力守清風業向
楹書肄名期蕊榜通生平未吐氣亘漢化長虹

崇因寺感舊示兒子銘盤

禪院無塵雨氣涼雁王導我禮空王松陰滿地清於水一

培根堂詩集

卷四

三

洗凡心領妙香

海棠墜雪絮紛飛誰受當年無垢衣緇面觀河人易老飄

然隻履已西歸

空相上人示
寂已數年矣

昔年曾飽伊蒲饌精餽如嘗護世城十載重來增感觸厨

空香積若爲情

僧傳衣鉢我傳經一樣脩眞養性靈珍重佛馱鐵如意元

燈常炳燄熒熒

李琢之明府約赴正定襄閱試卷賦此述懷

敢云玉尺善衡裁約我論文試院來士果無雙眞杞梓人

經拔十出蒿萊焚香共矢求賢志抱璞應逢濟世才知己
居然心可信幾年相印憶欒臺

掃空形跡任天機晤對兼旬掩棘闈勸飲醅醕開蟻釀助
加餐飯問漁磯偶因清暇凌丹閣爲惜緇塵浣素衣愛我
真情同骨肉天涯游子澹忘歸

更將遺卷細追摹棘句鉤章忍遽塗助採紅珊張鐵網怕
經碧海失元珠騰驤達路期多士瑁璆春風憶故吾選佛
塲開天軼蕩兩人心蹟證冰壺

簷際芻尼送好音十年謁選到于今幾從牖下畊枯硯又

培根堂詩集

卷四

三

向河間守泮林借箸感君籌出處忘機笑我任升沈冷官
詎有經時策勉答昇平望作霖

留別及門諸子

抗顏講座幾多年玉笋森森列几前唱到驪歌心欲醉印
留鴻爪蹟如烟繡絲敢說金鍼度磨墨仍期鐵硯穿珍重
臨歧一杯酒好從香火證因緣

讀書豈但科名計要養心田見性靈李杜詞源忠與孝韓
蘇文骨史兼經道根似竹千尋節善果如蘭九畹馨閉戶
自精真樂在休因小忿履公庭

文字先求氣骨清銷融渣滓滓見精英水因曲折波纜壯山
以陵嶒勢不平灌漑根株花競艷刪除枝葉竹先成眼前
境界皆奇妙悟到空明本一誠

曾爲槐黃幾度忙飛騰盼爾上名塲逢時花樣雖頻改法
古薪傳慎莫忘能抱苦心天不負果輸眞力願終償芹宮
桂苑聯翩起多寫泥金早寄將

題張玉夫明府五烈記傳奇

人生秉至性雖死猶不死烈魄耿丹虹剛腸照青史我讀

張君五烈記滔滔清淚如鉛水方丞振聲復贈太分駐斗

培根堂詩集

卷四

十四

六門官秩雖微志節存哦松庭畔羞斯立揭竿海上愁孫

恩賊黃城及族子黃水來其馬孟起步衛守備贈陳元龍

黨張丙及梁辨莊五吳習同官爲僚稱協恭共勵丹心鎮鯨海誓張毅膽

撲狼烽黑風陡吹海水立擣穴夜學蔡州龔元凶漏網焚

其巢詎防逆黨開門揖張清紅又名彩五邑之神師鬼卒

重招搖僧允報爲擁如蜂至喧如潮恃張紅頭張清紅作

內應踰溝毀柵妖氛驕文武三人窮守禦任爾九攻還九

拒恨煞全軀破柵入甘抱長城付一炬都司許荆山以敗

賊遂乘計窮巷戰接短兵縛賊手恨無長纓諸天劫重紅

半爛闔海瀾翻碧血傾幕府蓮花高十丈階前玉樹充森

慕客洗志勇贈六品街子聯輝贈七品銜

喬梓赴義甘如飴雲中甲馬風濤

響巾愜氣骨爭嶙峋

方妻張贈叔人陳妻唐贈恭人

義僕江承惠曾大祥邱新許厨子

走卒

外委朱承恩許國寶林登超蔡大貴額外陳騰輝朱萬年皆戰死

甘致身各完各分

無留戀降表僉名愧昔人女中杵臼心如搗蕪孤矢爲花

雲保

方妾梁氏乳媪蕭李攜幼子維善先遁

留得方家一脈根忠貞有後原

天道天兵指日掃櫬槍捧海澆螢敢距撐鎗釜游魂空泯

滅河山壯節自崢嶸

九重彩鳳銜

培根堂詩集

卷四

五

丹詔建祠特榜昭忠廟雲車風馬魂歸來靈爽九泉應一

笑玉田按拍點紅牙唾壺如意頻頻擲真氣淋漓貫鐵板

雄心激越咽霜笳君不見菊泉楊大令闔門曾致趙城命

合與方君合傳書誰作前茅誰後勁昔成小啟爲徵詩勵

俗同將節義持願君揮灑如椽筆更譜雙忠合璧詞

培根堂詩鈔卷五

河間集

遷安高繼珩寄泉

題劉子重銓福輒祖齋圖

有齋蓄輒必輒祖想見主人真好古從今齋與輒並傳齋
輒何幸得賢主在昔蕭寧苗明經得一君子喜欲舞持示
孳經阮太傅命爲輒祖書之譜劉君秉鐸涖蕭邑搜訪幾
傍舊墻堵日華君子紛來集恍若明珠歸合浦此宮此館
亦傳舍三千餘年一抔土傳經遺澤寄入甕摩挲不惜日
三五彈指華嚴現樓閣蕭齋直欲抵秘府昆陵許君精六
培根堂詩集 卷五 一

法春氣益盎腕下吐遠寄便面索我詩開械喜慰翻意慙

笑我求一不可得君乃羅列紛可數無輒有齋齋亦空破

屋况不蔽風雨何時排闥一訪之手拓方花辨交午君乎

割愛能不能還問齋中劉遵父

題蘭贈畢芸堂刺史

昌結 卽送之潞河任
一般霜露幾般承悟澈榮枯理足憑信是國香根柢厚烟
巒合種最高層

日措宣德淡金鑪肯使纖塵半點污想見妙明心不染焚
香常供素心孤 公喜鑪

偏于樛散眼垂青
曷我臨池意可銘
自愧在山無遠志
何時小草亦升庭

八依大厦意難忘
拜送雙旌引別觴
寫到清芬滋九畹
代他父老頌甘棠

贈崔次龍秀才

士元

卽書其雪廬詩草後

一卷披冰雪渾如背
癢搔江山欣得助
湖海氣能豪骨相
空羣馬胸衿策六齧
坵壇今冷落期爾振風騷

昔見陳蓮浦仙才
照眼青脩文太匆
促餘韻悵凋零繼美
推斯筆鍾奇信有靈
好延文獻澤努力抱遺經

培根堂詩集

卷五

二

荆璞難藏氣干將
莫掩鋒我殊憐病鶴
誰解好真龍味以
清彌永交從淡後濃
良才期用世休漫養天慵

卅載耽吟癖年來髻
欲華塵心清首藉俗耳
厭箏琶差喜聯同調
從今見作家細論期異日
把臂引流霞

題蘭贈鹿和軒廣文

千秋道脈溯江村
純孝竒忠聚一門
仰止傾心低首拜
喜從空谷見蘭孫

風節嶽峙意氣深
善根苦爲護東林
願君夙夜思繩武
首

藉盤中保素心

宋謝文節公橋亭卜卦硯歌爲劉子重賦

橋亭卜硯蒼潤堅銘詞題識篆額鐫材脩九寸廣五寸其
厚九分形模全謝公攜之建陽市賣卜索米不受錢四海
茫茫石一片鸚鵡淚眼同涓涓初筮肥遯繼苦節易理易
數通先天曾寫却聘書一紙恍從橋上聞啼鶻紅羊劫重
不可返眼看旭日沈虞淵北來燕市甘槁餓亮節直接西
山賢當時此硯落閩海出土乃在永樂年不知何時亦北
上海潮葢作支床輒月東上舍見之笑抱歸淨洗蛟螭涎
程文海銘何足重重公忠節扶坤乾儉堂中丞愛不釋李
培根堂詩集

卷五

三

子之劍同留連千金一諾死不易堂中銅鼓俱流傳子重
學博洵好古拓本索我詩一篇云是得之查氏子椿庭寶
貴羅華筵玉帶生硯歸

御府竹垞詩好萬口宣愧我屣筆難繼美感君摯意揮雲
箋願君喬梓勉報

國老鳳雛鳳桐岡聯颺拜都俞溯臯禹文章黻黼追許燕
潤色太平敷敷奏隄廩萬笏供磨研謝公魂歸色亦喜頓
化滄桑舊感爲雲烟

題潘彤侯參軍

焯

觀蓮雅集圖

卷五

故人寄我空中書，勝以長卷觀蓮圖。索題新句押卷尾，留

作圖中記事珠。開帙精神頓蕭散，扶疎花木和塵澣。三年

舊夢上心頭，恍到鴛鴦舊池館。主人性愛君子花，年年鑿

池栽藕芽。延賓每值觀蓮節，酒如淮水花如霞。前年我向

樊輿住，曾到安仁種花處。攜手花前倒醪醑，碧筒呼吸酣

清露。坐中吳質壺山何英英，覓句方干更老成。鐵珊竒芬共挹

楊凝式謂蓮會說與花同日生。去年此日花如昨，祝嘏花

間尋舊約。我羈薄宦去瀛州，坐少車公應不樂。一年一年

復一年，賞花人換看花筵。荷露纔圓向風散，主人悵對花

培根堂詩集 卷五 四

含烟颯爽難忘惟，伯起鞭指太行西去矣。五夜文星落解

州，與花同生先花死。主人懷舊發幽情，田君妙手調丹青。

寫得生綃圖，一幅花亦如閨太息聲。花事轉環人易老，但

期人共花長好。萍蓬聚散等浮漚，雪中踪跡留鴻爪。願君

什襲珍，此圖展翫休令寒。具污死生離合烟雲變，心蹟同

盟冰一壺

灤平有青石嶺險巖難行，行人憚焉蔡東川懋昂權

篆兩月爲剡平之賦，贈一詩代邑人爲壽

我讀古尚書曰：天壽平格，惟能平不平。大年享耆碩，君昔

宰灤平心平若衡尺聽斷秉至公俗與化移易邑有青石
嶺岩堯插空碧坎坳設天險險巖奪人魄螺旋苦迢遙鳥
道太偏仄樵逕絕攀援輿馬斷行役安得秦始皇怪石神
鞭策安得驅山鐸爲徙山靈宅君也心悵然懷慨爲開關
一朝施椎鑿萬古通地脈恍運巨靈掌陡薄太華擘恍驅
夸娥子夜移太行脊力逾六甲神奇勝五丁迹崎嶇變康
莊跋涉如衽席商賈及行旅歌舞趨傳驛有功德于民聲
施流烜赫心平能格天天全壽斯益卽此詠甘棠何慚召
公爽灑墨書豐碑願勒南山石

培根堂詩集

卷五

五

庚戌二月奉使紀事

也備皇華選衝寒載月來輕車馳百里

遺詔下三台鶴擎風標潔龍髯雪涕哀餘情更吝度吹垢

正需才

連日大風

兩度過雷封

交河明府雷鶴峯

情懷勝酒濃善交徵子惠其濟

協寅恭磊落青藤氣

徐笠山

高寒白石容

姜雲岩

主人尤雋

來逸鶴駐奇峯

十載欽遲久蕭齋夢往來達夫思學詠穎士解憐才論古

胸襟宏談詩眼界開陽春歌一曲欲去轉徘徊

東光蕭春田明府

本見元卿面難兄意藹然寧津蔣和叔大令奉委工差晤令兄塵仙登龍心一

快揮塵骨疑仙陳實卿通新契潘尼士安溯舊緣會居寶坻李明府幕

中恍如攜二仲三逕憩雲泉

驚座才難遇陳仁山大令奉委上道言尋退叟廬朱懷民前嶽仰忠孝

鹿和軒忠節後起富詩書劉蔭雲文學綺歲妙才數典枯腸索談棊慧

眼舒高風緬吳質訪戴意何如訪吳竹菴司馬不過

柳雪頻來往廣川今再游未能追驥足未見龐四學博空自仰魚

頭魯卓泉利史公出袁粲極風雅聽濤少尉陸雲工勸酌配庚同年鞭絲繫

驛柳維繫負攀留

培根堂詩集 卷五

六

君謨交誼摯蔡東川漢阜我重經潑墨心留素開樽眼共青

畫從雲嶺索橫在瑞安陳琢如大令瑞安人善畫時同在署中詩向渭陽聽琢如合甥

蔡小琴孝廉公車北上甥舅相遇甚歡瀟灑陳無已蘭因証德馨

琴待鍾期聽鍾嵩生奉差入都詩從賈至論填伯清聲天水遠趙午橋偕

計入遺澤獻陵尊風雨將

君事馳驅載憲恩惟憐劉子驥盼斷北來轅謂子重予兩次奉差未至

肅

培根堂詩鈔卷六

後天雄集

遷安高繼琦寄泉

上何玉民觀察

取繩

樂臺幾日拜行轅
洹水重回黍谷溫
更向北門瞻鎖鑰
每開東閣伴琴尊
作人敢說能承化
知已從來勝感恩
恰似揚州依水部
官梅清極並詩論

香火緣深六十霜
科名兩代接芬芳

蘭士年伯與先大夫同舉丙午春民與珩

同舉

城南雅集瞻遺範
海內高門仰義方
雪案驅心資秘笈

童時喜讀

風簷把臂憶傳觴

壬午禮部試與春民同號舍

鳳毛喜見

培根堂詩集

卷六

摩天翼翹首丹山萬仞翔

謂鏡海昆仲

羣從塞帙問字來
翩翩俱是不凡才
山聯大小池塘夢

海美

境闢琅邪錦繡堆

伯履原父不徒文藻麗

茗柯謫仙

行見筆花開

端甫

愧無點雪洪爐手
迺鐸煩搖當鉢催

畧分言情氣誼深
滄溟收納到蹄涔
遷喬喜遂依劉願
坐鎮常懷借寇心

玉樹春風容我伴
黃花晚節為公吟
蒼生霖雨需良弼

鳳辰綸音指日臨

贈李君佩參軍

聯庚

卽會元韻

一見遽心許三生有夙緣情均共命鳥胸蘊在
山泉神慄我能喻誼深人笑偏此中相契處不
止藉詩傳

託命聖賢酒耽心主客圖三杯和膽露一字已
腸枯難得此同調從今德不孤徐公嗟凡別喜
又見真吾

友人徐蘭生與君同齋額

卅載求吟侶風塵見此才名心知我懶倦眼爲
君開劍澀刃將頓琴焦心未灰韋絃應互佩今
雨望頻來

塞上水霜厚從知憚遠征勾留遲兩月心蹟喜
雙清如鶴且相和爲蟲恥應聲試燈風信早生
怕送君行

謝友惠粵茶

培根堂詩集

卷六

二

我生有茶癖日飲苦不足清氣沁心脾勝于倒
醞醪良友洵知我爲遣穎士僕惠以茗一筒云
產六尚麓開緘發狂喜拜賜等祭肉蟹眼沸竹
爐一吸仙雲綠玉盃捧蛾眉殊欠此清福聊解
文園渴遺經遑問陸用代小龍團此品差不
俗一盞汲寒泉留薦蘇玉局

寄贈芝卿卽和見懷元韻

河梁握手瞬三年涇水題襟溯舊緣高鳳耽書
原有癖王喬作令本如仙傳家治譜天孫錦改
歲鄉心客子綿循吏儒林須努力君拖紫綬我
青氈

陽春有腳送暄和，迤聽風聲雜。感多蟻酒，何防留客醉。龍泉莫漫替人磨，切磋記否資。韋佩經濟傳來勝，甲科手洗金尊盼。前馬待君同唱百年歌。

喜芝卿來郡疊前韻贈之

東風入坐又新年，重結詞場翰墨緣。律必援經非俗吏，筆如使劍挾飛仙。期君但酌臣心水，勸我親裝佛手綿。三世淵源承一脈，冷官應不歎無氈。

鋒芒收歛氣融和，廿載名場閱歷多。不負初心燈共剪，頰指老眼鏡重磨。棠陰話舊存模範，花樣翻新謝曰科。縱口培根堂詩集

卷六

三

莫談門外事，且敲銅斗共高歌。

寄鐵琴灤州並致直存寶坻又凝鳳縣季彭丹稜

補錄

九月作

望罷泉州望益州，含情重問草涼樓。

用船山句

登高各有懷人

句，可付征鴻寄我不。

海陽喬梓亦清寒，共守清齋苜蓿盤。簾捲西風人不見，黃花瘦影當君看。

新春君佩索詩因論詩中三昧作此代東

淑氣催人早，東風爲送詩。期君試新筆，和我及春時。牆外

塵全隔門中格許窺絕無人賞處相對共支頤

石桐與少鶴一代兩詩仙除却王黼林

希白

輩誰窺張賈傳

君家老松圃獨與結因緣衣鉢祖庭得好參無字禪

早與崔塗遇

謂曉林

論詩憶舊游推敲爭半字精力貫千秋

大雅悲淪落無因再唱酬見君心一快如病喜新瘳

不求俗眼說可知風骨高神來頻得句髭斷人忘勞墨凝

水生硯泉流珠在毫金針度人否問訊首重搔

喜晤芝卿通守卽贈

時權清豐尹

再見翻疑夢前塵十五年湖湘頻悵望燕趙更留連道義

培根堂詩集

卷六

四

雲霞契文章香火緣感君投轄意爭忍促歸鞭

不到蓬壺頂天應惜此才貽將士民福留待使君來舊夢

連宵醒新花滿縣栽牛刀雖小試游刃已恢恢

促膝申情話留貧不廢公判花心似水掃葉手如風聽雨

燈頻翦傳餐漏未終更餘豪興在拈韻入吟筒

有子慚雛鳳多君雙眼青神丹勞點化頑石竟瓏玲沉澹

聯三世淵源本一庭臨歧無別屬重爲刷脩翎

附芝卿和作

不意吾師至離懷罄四年風塵旋聚散杖履久牽連下

榻兼新雨

時陳琢如大令王樂菴二尹同至

挑燈話舊綠驛梅寒到骨

香雪撲吟鞭

卅年艱二第天竟阨奇才白日催人老青山送客來芝

蘭情更洽桃李手親栽福急慚為政甄陶量漸恢

宦跡如蓬轉年年作寓公驚心聞夜雪促膝坐春風醉

引金尊滿談深玉漏終聯吟纔幾日好句滿詩筒

天亦解留客連朝不放青玉龍飛片片鐵馬嚮玲玲別

路雲遮樹掛衙草滿庭傳薪貽鶴子接踵振霜翎

菊影

培根堂詩集

卷六

五

簾捲西風証夙因好從幻境見天真三間餐罷餘秋思五
柳歸來有替身與我周旋空色相共誰贈答只形神低徊
欲倩丹青手渲染屏山待淡人

美人遲暮耐端詳移照燈光儼鏡光夢想之中含晚節塵
根以外寫孤芳如烟清韻超凡界絕世秋心上粉牆比似
每乞佳交更橫斜風趣細評量
和不言車馬

瀟灑精神稱冷齋便思坐卧亦相借根移月下香同淡花
現空中色更佳愛爾玲瓏饒骨格與君脫畧到形骸填詞
除却張三影誰與吟秋漱玉儕

幾回相顧復相憐
四面安排對几筵
映入酒杯秋澹澹
醉扶佳客舞僂僂
高人心跡疎狂慣
我輩友情冷淡緣
秃筆自慚難繪影
東籬聊補和陶篇

題陳章軒明府

政典種竹圖

未見種竹圖先吟種竹詩
執筆未下負奇氣
想見主人凌霄姿
髯公策馬來爲洗竹根
厄高談雄辯驚四座
滑川千畝齊向胸中窺
或云古人多愛竹
七賢六逸相攀追
綠脚青士詔別字
虛心勁節陳諛詞
我持鷄距如鴉觜
舊文勦說一一刪除之
聞公宰沙河刻竹銘
去思又聞牧盜陽扶

培根堂詩集

卷六

六

筇父老送別情依依
三活是我舊遊地
故人竹報道公蔽
芾甘棠垂卽今
還頓邱竹馬萬騎羅
羣兒想公愛民如愛
筍錦綳香祿勤護持
愛士亦如愛篠
蕩清泉洗濯森森枝
士民得此鬱生氣
參天拔地都變傾
陽葵我今歌下里
竹葉酷還醺願君成
竹胸不爲醉竹移
剝爲餘皇舟大川
共濟乘良時築爲百尺樓
元龍湖海呈英奇
薇紅柏翠相掩映
柯葉不改鸞凰儀
豈徒媿美子猷子清
風嘯傲但向林泉吹

題張蘭畹

思洪

將游五岳圖

先生胸次太超超示我真形鄙吝消聊寫小詩留卷尾愧
無健筆不能搖

年年行腳走風塵何日能抽自在身寫得新圖酬壯志眼
前五點起嶙峋

胸中五岳漸銷磨夢裏游蹤認幾多差喜向平心願了安
排蠟屐訪烟蘿

題陳章軒洗馬圖照

使君相士如相馬超盡驪黃與汗赭使君牧馬如牧民求
芻求牧債氣馴使君洗馬如洗俗良者無塵駁者伏滄陽
培根堂詩集 卷六 七

使君牧析津使君宰頓邱與平千竹馬兒童負弩待方今
兵氛盜潢池害馬之馬宜去之挽芻飛檄刻難緩多備綠
耳兼織離使君本是老馬援據牽勢比廉頗健請纓手繫
南粵頭飛馳露布傳銀箭大功成後重被前五花照影雲
滿川爲君長歌洗兵馬行看眞面畫凌烟

題淡曙軒明府 春暉 曙萱課子圖照

松間曙色紅瞳矐石畔萱花青龍蔥倚石坐者明府公膝
下清課催竒童明府矯矯人中龍去年捧檄來天雄握手
訂交水乳融肝腸若雪氣若虹消盡塵世鄙吝曾同舟共

濟真和表東鳴西應豐山銅雷煥之劍中郎桐一載駒隙
何匆匆陽關法曲歌三終折柳贈策心忡忡手持玉照催
詩筒爪痕留印泥中鴻所親一去誰可宗秃筆潦倒墨不
濃黯然何以慰別悵丈夫意氣凌青空臨歧兒女羞喁喁
壽諉養志甘旨充雛鳳振翮毛羽豐君如旭日方在東實
心實政聲隆隆八驕行乘御史驄留取真面見阿蒙他年
萍水重相逢披圖笑印同心同丹心鐵骨撐雲峯不信請
問圖中松

德華女子歸劉堦樾村詩以送之

培根堂詩集

卷六

八

春風生繡幃之子方于歸人倫從此始好述歌風詩汝生
廿三載掌上明珠璣一朝離膝下未言先淚垂作婦良有
道婦德宜無虧堂上奉甘旨中饋勤職司同氣和娣姒交
讓情恰恰子女慎撫育教養嚴寓慈流惠及臧獲逮下恩
頻施努力相夫子靜好永無違汝父愧寒氈添妝無多儀
瀕行語不休鄭重汝自知一語慎毋忘無父母貽懼他日
來歸安室家稱相宜鳳毛衍瓜瓞鸞詒承

芝泥賢聲動閭里彤管流芳徹庶幾生女者光彩生門楣

贈李象九明府 鼎

俠氣湧如酒名心澹似秋高歌真灑落把臂儘勾留且盡
千鐘量同澆萬古愁梅花是知己清福幾生脩
廿年夢回看一畝居白雲渺何許清淚灑塵裾
交澹誼彌摯情深累轉多匆匆度駒隙草草唱驪歌彥道
巾拚擲元龍氣不磨重來休負約遲爾醉婆娑

送查子穆太守

日華

之河間任

略分敦情誼情深一往中焚香瞻北斗贈策立西風五馬
從茲遠雙魚望屢通黃花吟晚節此意悵誰同

培根堂詩集

卷六

九

授我皋比座知音自古難士風從恥勵文教貴心安提唱
端坊表栽培借羽翰更分香一瓣珍重付階蘭

謂滋軒

心與瓊俱冷青門想種瓜感恩孫伯樂太息賈長沙世事
看頻換吾生信有涯逕荒松菊盡鄉夢繞烟霞
風緊鶴頻唳羽摧鴻自哀烽烟嗟役困撫卹待公來何日
銷兵氣真逢撥亂才懸知憂國意蒿日上瀛臺

括盡司農餉安能實漏卮空爐停鼓鑄何術起瘡痍善後
籌邊筆爭先打劫棋軍儲資上策猿鶴正調飢

殺運需收拾生機妙轉移天心終厭亂國手賴匡時指日

櫂槍掃行看露布馳待公勳勒鼎重獻凱歸詩

題劉筱北刺史聽泉圖

使君聽泉如聽訟來有源頭流有縫分風擘流手眼高淨
洗凡音歸空洞使君聽訟如聽泉心如鑑朗如珠圓脈絡
分明得歸宿一塵弗染何澄鮮誠爲人謀常自喜聽泉別
具聽言理上出旁出時不窮在山出山清不滓才大如海
心自平破浪宜聽風濤聲胡爲眷戀此涓滴一帆偏不到
逢瀛我謂大小豈形跡悟徹靈源形莫役一吸噴作傳說
霖億萬蒼生含潤澤使君且飲聽我歌活潑潑地涵無波

培根堂詩集

卷六

十

願得此泉化爲酒日傾三百金巨羅我識使君近一載淡
交如水永弗改且歌小詩待君聽披圖中有寄泉在

偶成

持帚拂塵案一時懷抱清明知掃不盡且得暫光明

哭文魯齋明府

頌

文君英烈士陽穀飛雙鳧履任纔三日爲

國捐其軀憶及樂臺瓜大椿曾代吾共焚告祖香聲氣交
相孚君泛孝廉船趨庭習操觚手持羔雁贄問字來吾廬
爾時閱君文血性紙上鋪決爲不世才昂藏眞丈夫果然

捷春官捧檄之東都初爲東蒙主神君流令譽量移宰商
河再權陽信符羽檄調從軍挽粟而飛芻方冀息勞薪霖
雨蒼生蘇一朝罹大難碧血飛模糊常山齒穿齧温序口
銜鬚眷屬悲伶丁寡鵠兼童烏難弟來收骨扶櫬歸明湖
愧我遠相隔綿力難爲扶練勇近一載獲醜殲厥渠代雪
九泉憤心剖腸更屠敬奉一瓣香臨風奠吾徒上慰雙白
髮下弔六尺孤

閱邸抄弔殉難諸君子

畿輔悲同志英靈儼在天參連飛碧血

唐際虞明府盛宰
樂城先受二矢而

培根堂詩集

卷六

十一

後死一炬化青蓮

孔菊農明府慶銓暨公子霑鄰孝
廉繁渥死交河堂皇並焚其尸

守土官

無愧登陴尉亦仙

陳賡揚少尉虎臣死樂城東門上孫
巡檢文驄代理滄州吏目三日死之

雲

中聞甲馬想像錦鏢聯

觥觥陳刺史

笠漁
希敬

未見兩傾心交自文中訂詩從畫裏吟

珩爲謝信齋題畫
六幅深蒙激賞

一朝伸大節

死深
州

千載失知音流水高

山意因君碎古琴

其人如玉潔

玉星垣明府衡死沙河妻
佟孺人妾某氏同殉節

更有汝南周

周蔭
之司

馬憲曾死臨洺關妻
宜入妾郭孺人同殉節

共說楊無敵休悲廣不侯

楊濂仙
刺史雲

晉州

紅羊歸浩劫白鶴返瓊樓淚雨紛紛灑環澆土一邱

朗吟樓下望樓在滄州爲哭沈東陽沈月海刺史如潮死滄州城小膽逾壯

旗高氣倍揚城守尉德成同死丹心雙節峻俠骨一門香月海胞兄沈如

江堂叔母吳氏次媳屠氏長子沈康保之妻殷氏並幼孫女堂姪康升繼妻陳氏三子監生沈康吉長媳管氏堂姪孫沈承儀並家丁重釀麻姑酒招魂奠羽觴

二名同時殉難尼山傳道脈有孔顏勵堂判官不忝聖賢裔能

農詎無顏錫敏死深州超生死關見危真致命立懦足廉頑一例叨旌恤尋看

鳳詔頒

休薄寒瓊腐其中大有人張星煥光彩張廣文秉廉死任縣葦塘中鐵

骨植嶙峋名入千秋鑑堂明萬古倫蒹葭倚玉樹宛在水

培根堂詩集

卷六

之濱 沽上舊遊地臨風懷謝公謝雲舫明練心人似虎時宰天津練勇

萬人殺賊氣如虹陣亂黑衣潰濤寒白馬雄死於衛河鳳毛能雪

憤墨經尙從戎練勇萬人衣白衣奉公子殺賊復讐

嶽嶽佟都統當橋邊萬夫織離傷易蹶砥柱倩誰扶熱血

迎風灑雄心映日孤高堂垂白髮雙淚眼將枯佟都統鑑死於天津

自古誰無死諸君得所安妻孥成毅魄賓客抱忠肝王文學長

申死晉州幕何君馬革從教裏鴻毛忍並看河山留正氣

戴筐死洛關幕努力挽狂瀾

努力挽狂瀾

聖世人心勵光爭斗六門昭忠瞻廟貌卹節戴

君恩厲鬼能殲賊沙蟲未返魂溪毛多採擷忍淚薦蘋蘩

題趨海門學博

文涵

菊隱圖

頭如青山峰眼如紫石稜白髯如戟森幾莖膽抱子龍氣
元龍矍鑠哉是翁本是眞英雄胡爲愛花愛隱逸託志乃
在陶淵明我意不謂然此語非知公公昔秉鐸居容城白
溝河上麾前旌練勇數千人坐作進退何雍容捧檄之高
陽勇陳上策矢口如洪鐘愷陽車陣妙祖述小范老子習
中羅甲兵今更來清豐藉盤一飽心冰清不忮亦不求無
培根堂詩集 卷六 三

忤兼無爭坐對黃花淡如此光風霽月開軒楹古今豪俠
士所見皆相同譬如昆吾刀開匣光熒熒伸則鏗然屈則
卷韜光匿彩歸藏鋒公聞此語掀髯笑請留爪印存泥鴻
他日再訪畫師將我補權當白衣送酒之王宏與君同醉
東籬東

贈吳雲佐廣文

起元

停雲乍合憶丁沽閱盡星霜感故吾屢變滄桑如夢幻空

嗟老大撫頭顱好尋白社殘詩本怕問黃公舊酒壚

津門故家

如徐李朱張查郭繆樊盡歸零落舊雨如梅丈樹君崔丈
念堂李彩仙瘦山昆弟徐新琴鶴臙昆弟樊問莊黃薛青

范道如華智溪李亭午王
春帆吳鄰笏均歸道山 幸有素心堪慰我一番情話勝

尊鱸

早知雲佐意千雲絳灌何心共策勛此日瘦羊稱博士去
年大樹憶將軍投醪饗士揚兵氣執戟同仇掃賊氛捍禦
功高揮手去重將文教振河汾 團練義勇保障一方功
成辭賞有子推之風

匡城何幸得人師手握金刀斷亂絲片語息紛緣素望奇
方去病抵盧醫心光料事開奩鏡險著求安打劫棋薦牘
已聞書上考循良指日勒棠碑

曩時同過孝源家讀書談詩更鬪茶一第艱難頭欲雪卅

培根堂詩集

卷六

四

年聚散手搏沙期君且醉中山酒何日同乘下澤車偷晤

徐公

謂蘭生

應念我兩閑人尙寄天涯

贈王丹麓

承楓

聞說王丹麓於今十八年豪情憶湖海老將數幽燕握手

成新雨論心証夙緣俗塵紛萬斛一夕爲君煎

海內存知已論交歲已遲淵明琴外趣摩詰畫中詩慧抱

九仙骨繡應五色絲幾生通氣誼恍認舊鬚眉

投筆從軍去曾依大將壇吉光留片羽冰影看加冠上策

驅戎馬閑身現宰官胸襟超更冷未改舊儒酸

又送君歸去陽關唱別聲加餐慎眠食攬轡待澄清金石
敦吾好雲霞喻此情從今風雪夜有夢繞彭城

君居磁州之彭城鎮

寄劉子重書書後

家釀頻傾祖母絲園蔬新薦女兒紅寄語辰溪劉子重懷
人無語立東風

寄津門諸舊雨

水光雲影記登樓三岔河湄溯舊游鴻爪迷離人似夢匆
匆一十八春秋

題襟命酒人何處難解傷今弔古情

梅樹君李采仙范蓮如崔曉林均歸道山

培根堂詩集

卷六

五

韋蘭襟望吏議後人無消
息蒼雨飄零不堪回首

我是當年丁令鶴何時展翼過

津城

和毛素存先生韻

爨下餘焦尾非公孰賞音平生儲熱血慷慨質同心落葉
紛無數餘香燄未沈刀鏤空自撫時作老龍吟

赴東明長垣解賑

帶水拖泥行路難衝波叱馭敢求安此行未忍須臾緩十
萬生靈正待餐

題蘭贈張子陶大令

銘

使君大手挽回瀾溝壑餘生得所安我替災黎深感戴素
心托出萬人看

積重誰將痼疾驅激之生變緩難圖心花四照夢全解荆
棘叢中氣不孤

自憐小草等飛蓬援溺無權露眼紅情願將身化香稻爲
君中澤哺哀鴻

長垣縣查災作

歲在乙卯秋捧檄勘黃水櫛沐敢辭勞言至匡城里距此
六里遙村在水中汴大樹沒及頂家家屋廬圯秸草結小

培根堂詩集

卷六

六

菴風雨蔽婦子米麥掘泥中臭不可嚮邇老稚相扶將暫
忍須臾死更聞白叟言此地乃其渙東南一帶村困苦尤
倍莧舟從屋脊行比戶家盡毀不見大隄頭流亡聚如蟻
蒼天降鞠凶昏墊何時已無術拯飢溺對之空淚泚願人
存好心庶幾天意悔更望回瀾手早樹中流砥指日合龍
門滔天胥順軌貸麥種成苗少少蘇枯甃又恐水再來盡
付洪濤裏稽首拜神龍淚下不可止

金龍四大王
數至長垣

寄邊袖石觀察

我別邊韶人匆匆過隙駒心隨雲共遠夢與月同孤樹立

便君大手挽回瀾，溝壑餘生得所安。
我替災黎深感戴，素心托出萬人看。

積重誰將痼疾驅，激之生變緩難圖。
心花四照琴全解，荆棘叢中氣不孤。

自憐小草等飛蓬，援溺無權露眼紅。
情願將身化香稻，爲君中澤哺哀鴻。

長垣縣查災作

歲在乙卯秋，捧檄勘黃水。櫛沐敢辭勞，言至匡城里。
距此六里遙，村在水中。汴大樹沒及頂，家家屋廬圯。
枯草結小培根堂詩集 卷六 六

巷風雨蔽婦子米麥掘泥中，臭不可嚮。邇老稚相扶將，暫忍須臾死。更聞白叟言：此地乃其溪東南一帶村，困苦尤倍。徙舟從屋脊行，比戶家盡毀。不見大隄頭，流亡聚如蟻。蒼天降鞠凶，昏墊何時已。無術拯飢溺，對之空淚泚。願人存好心，庶幾天意悔。更望回瀾手，早樹中流砥。指日合龍門，滔天胥順軌。貸麥種成苗，少少蘇枯甍。又恐水再來，盡付洪濤裏。稽首拜神龍，淚下不可止。

金龍四大王
數至長垣

寄邊神石觀察

我別邊韶久，匆匆過隙駒。心隨雲共遠，夢與月同孤。樹立

欽君子蓬飛感故吾何嘗拜官閣天外下雙鳧

楚豫毗連境年來蠹賊多詩書演翰略錢餉鑄干戈生死

堅於信天人應以和知君有成算總集富饒歌

日判籌邊筆雙旌畫偃門愉愉承母訓蹇蹇奮

君恩河洛波瀾瀾廬山面目存相期各努力珍重葆靈根

憶昔津門住浮蹤兩葉萍同心長印素雙眼鎮垂青拈韻

搜奇句烹茶檢舊經前塵如一夢贏得鬢星星

又合陽平轍宏開舊選樓推敲爭一字持擇訂千秋掃葉

珠頻拾鑄黎玉待搜鴻名蜚日下賸我卧林邱

培根堂詩集 卷六

七

自秉珂鄉鐸斯文運漸通羣英爭立雪五鳳已搏風

曉泉成進

士選蜀三台令晉山以孝廉得中書令為遼陽州牧復堂館選蔭雲夢九中鄉舉

幸遇涪良俗慚

無教育功望雲空奉檄重到古天雄

志乘編方就鄰封走豕蛇

四年三月初四月朔賊兩到冠縣

練心期似鐵

練勇六百人閱一年之久

殺賊忽如麻

生擒長髮賊六十名格殺者無數

又散太倉米

收米拉運赴長垣放賑

頻吹越石笳

赴鉅鹿勸民解散脅從

藉盤歸一飽坐到

綠陰斜

已分書叢老官符倏又臨愧無經世學空抱濟時心羽弱

鴻難起鱗疎鯉易沈枯桐彈一曲宛轉寄知音

贈彭勉吾明府卽題其荔谿詩草

扁舟來東明爲郵哀鴻感握手見彭宜沉江蘭芷馥示我
詩一編小窗快展讀恍如冰雪泉直注心肺腹小杜陳罪
言長沙惟痛哭銅駝抱杞憂鐵馬塵蒿目一舸新亭淚遍
灑瀟湘竹有時入歡場牢愁紛萬斛賤子賦癡性熱血空
漉漉感時花濺淚拊心矢幽獨幸遇同心人如輻共一轂
憂來能傷人珍重韞匱玉他時作霖雨洗盪瘡痍毒厝火
寢積薪緘口向當軸相對兩無言寒泉薦秋菊

題蘭少香

士元詩卷 楊子方攜來索題

培根堂詩集

卷六

六

凝式傳來絕妙詞開編恍對好手姿曉風殘月思千縷雪
盃冰毆筆一枝時維仙心如喚鶴能破俗耳勝聞鸚粉鄉
喜見清才出霖雨蒼生會有期

相如形筆欲干雲合向文壇早策勛至竟登科符杜錦休
將下第感劉蕢硯田多種豐年玉詩壘重摩生力軍手際
薔薇幾披讀奇香端爲令公薰

觚生性癖耽佳句媚世無才只信天老境猶爲新嫁女初
心敢爛在山泉難忘結習惟文字各有因緣問佛仙多謝

多情楊伯起詩媒兩地置郵傳

懷何菘蹊判官

慶熙

自別何無忌光陰又蟹秋開尊停鬲縣對月憶監州西陸
隨蓬轉南風益杞憂元龍豪氣減何日共登樓

培根堂詩集

卷六

九

